



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 36. Quænam delicta judicialiter denunciari possint, vel non
possint.

[urn:nbn:de:hbz:466:1-73982](#)

illud videatur alligatum ad tempus visitationis. Licit culpabiliter omittens intra illud denunciationem, jam inciderit in excommunicationem, dum sub ea praeceptum latum est.

2. Resp. Secundò: Edicta vero istiusmodi lata ab Inquisitionibus durant per totum annum, donec alii promulgentur, Lug. l.c. ut cum Sanchez & Avila.

3. Resp. Tertiò: Dum alias istiusmodi edicta ab aliis Prælatis, independenter etiam à visitatione, promulgari quandoque solent, assignatis tribus vel sex diebus pro termino, intra quem facienda est denunciation; dies hi numerandi sunt, non à die promulgationis, sed notitia ejusdem; cùm dentur hi dies, ut si, quibus præceptum denunciare, consilere & considerare possint de rebus denunciandis, Sanchez. l.c. num. 6. de Lugo n. 40. Unde etiam notat Sanchez. L. 6. conf. c. 2. du. 25. n. 6. apud de Lugo. num. 41. quod si quis ultimo die termini præfixi accepit notitiam edicti, incipiant ei currere totidem dies, quot præfixi fuerunt denunciationi facienda.

4. Resp. Quartò: Edicta, quibus excommunicantur damnificatores, si non restituant, & scientes, si non revelent illos, semper obligant, donec damnificator restituat, nisi author edicti fuerit mortuus, vel officio motus; cùm tunc expiret obligatio, Nav. in man. c. 27. n. 2. Sanch. l.c. n. 8. Lug. l.e.

Quæst. 34. An denunciationi judiciali præmittenda sit bina monitio charitativa?

R Esp. negativè cum Layman. L. 3. t. 3. p. 2. c. 4. n. 13. Lessl. de ius. L. 2. c. 3. du. 3. Castrop. de charit. tr. 3. d. 3. p. 16. n. 3. Molin. de ius. tr. 4. d. 132. n. 6. Palud. Soto apud Reiffenst. contra Azor. p. 3. L. 13. c. 25. du. 5. Pith. h. t. num. 91. quatenus docent binam monitionem requiri ad denunciationem, quæ fit in foro Ecclesiastico, non tamen ad faciendam in foro civili; pro ratione responsio est consuetudo, usus & praxis omnium tribunalium, quâ nullus Judex de correctione illa charitatib[us] facta interrogat, aut de ea facienda monet vel mandat; quod tamen facere deberet, si prævia, secreta, fraterna correctio ad valorem & substantiam judicialis denunciationis requereretur. Alia ratio desumitur ex fine hujus denunciationis principalis, qui non est emendatio, vel bonum privatum delinquentis, sed vindicta publica ad bonum publicum, ut nimis alii illâ trecentur, & a similibus committendis retrahantur. Unde talis denunciatione potius actum justitiae, quam charitatis contineat, Reiff. h. t. n. 99. His non obstantibus iuribus, quæ in contrarium adserunt adversarii: quia loquuntur, non de denunciatione judiciali propriè tali, seu criminali ad vindictam publicam, sed de denunciatione evangelica, vel de canonica, quatenus hæc ad illam reducitur, vel intelligendi sunt in ordine ad poenam, quæ de speciali jure, vel saltem de consilio requiritur. Et ideo non loquuntur specialiter de denunciatione judiciali, quia eo tempore ea non fuit in usu, sed duo tantum modi judicialiter procedendi per viam nempe accusationis & inquisitionis, quibus jure novo & consuetudine accessit modus tertius, nempe per viam denunciationis propriè talis, quæ hodie frequenter loco accusationis adhibetur, & eosdem ferè cum hac effetus habet; ita Reiff. num. 101. Sed neque hæc posteriora eliduntur dicendo jus canonicum in genere requirens monitionem præviam fundari in ju-

re divino evangelico, contra quod nulla dari potest consuetudo. Nam ex eo gratis dato plus non se queretur, quod ad licitè denunciandum judicialiter, (quod præcipù intendit Evangelium) requiratur monitio prævia, non verò, quod etiam requiratur ad judicialiter denunciandum validè, de quo loquuntur Canonista: & præcipue procedit responsio nostra, altera quæstione, num requiratur prævia monitio ad denunciandum judicialiter licitè, seu sine peccato relicta Theologis discutienda. Ad quam, si respondeatur affirmativè, jam etiam necesse est dicere, requiri quoque dictam monitionem quoad forum civile, utpote in quo jus divinum non minùs, quam in foro ecclesiastico obligat. De cætero certum apud omnes, quod in casibus & circumstantiis omnibus, in quibus denunciatione evangelica fieri potest licitè sine prævia monitione, à fortiore quoque sine illa fieri licitè possit denunciatione judicialis: atque ita delictorum adhuc occultorum, quin & emendatorum, & eorum, quæ non nisi delinquenti nociva, & sic cujuscumque delicti denunciationem licitè fieri posse, modo probari possit, tradit Laym. L. 3. tr. 3. p. 2. c. 4. n. 13. citatique ab eo Pet. Nav. L. 2. c. 3. n. 254. Lessl. L. 2. c. 30. du. 3.

Quæst. 35. Quænam requirantur ad legitime procedendum in denunciatione judiciali?

R Esp. Requiruntur ferè eadem, quæ in accusazione, excepta inscriptione, quæ tamen & ipsa hodie vix est in usu, ut Lessl. de just. tr. 6. c. 3. n. 4. & juxta à nobis dicta supra: quia vices accusacionis subit, ut Clar. cum communis. Proinde requiritur primo: ut in scriptis fiat, vel oretenus à denunciatore, prolata exceptaque per Actuarium, seu Notarium publicum, referatur in acta. Secundo, ut exprimatur nomen Judicis, denunciatoris & denunciati. Tertiò, qualitas seu species delicti, ejusdemque commissi locus & tempus, nimis annus, mensis, & probabiliter etiam dies. Suntque hæc omnia de forma denunciationis hujus substantiali, & ita necessaria, ut si unum ex illis omittereatur, processus sit nullus, & denunciatus absolvendus; ut Ludov. de Ameno tit. 9. v. denunciatione, §. 4. q. 4. n. 36. Reiffenst. h. t. n. 94. cum Clar. aliisque communiter. Quartò requiritur, ut denunciator, licet ipse per se delictum probare non teneatur, (in quo differt ab accusatore) tenet testes denominare, instrumenta, probationes, aliaque media, quæ scit vel habet, judici suggerere, Arg. L. 6. §. 3 ff. de Senat. Consult. Turpili. ut ex tali inscriptione Judex cognoscere queat, an delictum sufficienter probari, & consequenter denunciationem recipere, inquirere, processum instituere, an vero eam rejicare possit vel debeat. Unde statim ab initio ad id tenetur denunciator; in quo iterum differt ab accusatore, qui eti & ipse testes, aliasque probationes una cum libello producere possit, sufficit tamen, eum illos producere tempore, quo ad probandum erunt necessarii.

Quæst. 36. Quænam delicta judicialiter denunciari possint, vel non possint?

1. R Esp. Omnia crimina, tam privata, quam publica, tam aperta, quam occulta, de quibus nulla adhuc infamia delinquentis, judicialiter denunciari possunt, modo probari valeant, Fagn. in c. 24. h. t. n. 72. Passerlin. in tribun. regular. q. 7. a. 3. n. 15. Laym. L. 3. tr. 3. p. 2. c. 4. n. 13. citans Pet. Navar. L. 1. c. 3. n. 254. Reiff. h. t. num. 88.

Arg. c. 3. in fine caus. 11. q. 3. can. 3. caus. 6. q. 2. c. 27. c. 2. q. 7. ex ea ratione, quod publicitas & infamia delicti tantum requiritur ad processum instituendum media inquisitione, c. 2. & c. 24. b. t. dum in denunciatione denunciator supplet vices accusatoris: tum quia denunciatio judicialis principaliter non respicit bonum & emendationem delinquentis, sed publicam vindictam illius in exemplum & terorem aliorum. Unde & haec denunciatio non attendit durantem adhuc bonam famam delinquentis, utpote quae tanquam bonum privatum postponenda bono publico seu communi; quod sequitur ex Passerini. l. c. n. 17.

2. Dixi tamen: modo probari possit; siquidem delictum est occultum, ut probari legitimè nequeat, (nisi vergat in præjudicium communis, vel tertii aliquius privati) denunciari judicialiter nequit; ita communis arg. c. 3. caus. 6. q. 2. & caus. 24. q. 8. L. 8. & L. fin. c. delatum. Cum enim delatum crimen non probatum legitimè puniri nequeat, denunciatio hæc per se instituta ad vindictam publicam foret inutilis, ac ita sine fructu laderetur fama denunciati, talisque denunciator reputabitur calumniator, & pœna calumniatoribus statuta, vel saltum extraordinaria arbitrio judicis statuenda obnoxius. Nec Judex vi illius ad inquirendum, formandumque processum procedere potest. Unde etiam recte infert Reiffenst. n. 90. delictum soli delinquenti nocivum judicialiter denunciari non posse, dum unus solus præter delinquentem non habens ulla indicia alia, aut probationis media, id novit. Bene tamen, si duo præter delinquentem id sciant, quia jam probari potest. Nullus tamen eorum potest esse denunciator judicialis, eti denunciationem ex certis causis utilem aut necessariam judicent: quia si unus eorum denunciat, is non potest esse testis, ac ita jam non nisi unico teste existente, delictum probari nequit. Sitamen in hoc casu præter unum testimoniū adessent indicia sufficientia commissi criminis, quibus cognitis superior dein judicialiter uti potest & inquirere, tunc fraternè denunciants potest esse testis, & sic per duos testes probari delictum. Unde tunc expedire, ut delictum non statim denunciatur judicialiter, sed fraternè, suadet Reiffenst. n. 91. additque n. 92. in dubio, an quis judicialiter deferre possit aut debeat, optimum esse, rem deferre ad Superiorē tanquam patrem, etimque consulere, num expedit delictum quoque denunciare judicialiter.

Quæst. 37. Coram quo fieri possit denunciatio judicialis, seu cuius sit, eam admittere?

1. Resp. Primò in genere. Fieri non potest, nisi coram Superiore, vel Judice habente jurisdictionem in denunciatum, & pro eo foro, ad quod spectat delictum, de quo sit, vel causa, in qua sit denunciatio, ut habet communis. Hinc

2. Resp. Secundò in specie. Potest in foro ecclesiastico Judex ecclesiasticus generaliter & indistincte, ubi intercurrit peccatum, admittere denunciationem evangelicam, seu charitativam: non tamen potest admittere judiciale, nisi in certis casibus, nimisrum si denunciatus sit Clericus vel Regularis conquerens de iusta oppressione, quā op̄ primitur à suo Prælato. Si Laici denunciati crimen sit ex natura sua ecclesiastici fori, v. g. hæresis, Simonia &c. Si in foro seculari sit defectus justitiae, quia vel denunciatio non auditur, ex negligencia Judicis; vel quia jurisdictione vacat nullo Judice

existente. Si violatum à Laico juramentum. Si denuncians sit persona miserabilis. Si causa sit spiritualis, sive ecclesiastica, vel ei annexa, ut dom agitur de matrimonio dissolvendo, vel non contra hendo ob impedimentum canonicum, Pith. b. t. n. 90. cum Abb. in c. novit. de judic. n. 48. Azor. pr. 3. L. 12. c. 21. du. 5.

Quæst. 38. Facta denunciatione judiciali, qualiter procedere possit aut debeat Judex?

1. Resp. Primò: Facta legitimè denunciatione propriè judiciali, non tantum potest, sed & tenetur ex officio inquirere Judex, sed & processum instituere, citando examinandumque testes, aliaeque probationis media per denunciante suggesta contra delinquentem: ita ut, si quod ex his omittat, peccet ob negatam vel neglectam justitiam, teneturque ad syndicatum, & amittat jurisdictionem quoad illam causam; ita iuxta Nov. 17. §. 1. c. 3. si tibi quoque. Gail. L. 1. observ. 28. num. 1. Brunnen. in process. inquis. Ameno in pr. crim. iii. 9. v. denunciatio. §. 3. n. 10. quos citat & sequitur Reiffenst. b. t. n. 125. Dixi legitimè facta denunciatione: si ea facta sine allegatione testimoniū, denunciationem rejicere debet; nisi delictum denunciatum vergeret in damnum communis, vel tertii; in quo casu pergere debet ad instituendum processum. Potest item facta denunciatione, si reus est suspectus de fuga, aut ne testes falsos suborneret, vel veros impediatur, deterrebat à testificando, eundem incarcere custodiae causâ, etiam ante citationem, si delictum sit grave, adhincque indicia sufficientia delicti commissi, aut illius semiplena probatio, v. g. per unum testimoniū omni exceptione majorem, Clar. §. fin. q. 28. n. 2. Passer. trib. regul. q. 20. Ameno l. c. tit. 19. v. reus. n. 6. Reiffenst. n. 127. Arg. c. si Clericus. de sent. excom. Porro in foro seculari de jure civili communi procedere potest Judex ex denunciatione judiciali publica suorum officialium, autoritate publica ad denunciandum deputatorum, Pith. L. 7. c. de accus. Vel etiam secundum communiter receptam consuetudinem, ex denunciatione cuiuslibet privati; cum publicè intersit, notitiam delictorum quocumque modo pervenire ad Magistratum, ne impunita maneat, Clar. l. c. q. 7. n. 2. Pith. b. t. n. 94. Dum verò denunciatione private judiciali, qua alias competit parti laicæ seu offensæ ad proprium interesse, seu satisfactionem pro injuria, seu damno ei illato, propriè locus non est; quia v. g. qui prosequitur, quod sua interest, est servus, filius, vel alterius potestatis subjectus, id eoque agere, accusare, vel denunciare propriè nequit dominum, patrem, alterumve, cui subjectus est; benè tamen queri, seu minus propriè denunciare potest apud Judicem, quod injustè ab iis op̄ primatur: ad hanc querelam, spectato jure civili procedere potest Judex, cogendo eos ad satisfacendum injuriato, vel damnum passo, Abb. in c. novit. de judic. num. 48. Azor. p. 3. L. 13. c. 21. du. 2. Pith. l. c. juxta L. 1. §. quod autem: ff. de offic. pref. urb.

2. Resp. Secundò: Pendente judicio denunciationis & inquisitionis inter Prælatum & Subditum super criminibus Prælati denunciati, hic procedere nequit contra denunciantes & inquirentem, quia per hoc suspensa est ejus jurisdictione, non fecus, ac si ab eo appellatum, (intellige, quoad hoc negotium) in aliis enim causis potest in illos subditos suam exercere jurisdictionem, & hi illi tenentur obedire.